

# 庶物類纂

草屬

自二十一至二十五





A 1 2 3 4 5 6 M 8 9 10 11 12 13 14 15 B 17 18 19

© Kodak, 2007 TM: Kodak

C Y M







庶物類纂草屬卷之二十二目次

首篇

望江南

莊茫

首蓿

一名懷風西京雜記一名光風同上一名連枝草同上

一名木粟爾雅翼一名牧宿本草綱目一名塞鼻力

迦同上一名可爲菜庶物異

首蓿

樂遊苑自生玫瑰樹下多首蓿。首蓿一名懷風。時人或謂之光風。風在其間常蕭蕭然。日照其花有光采。故名。首蓿爲懷風。茂陵人謂之連枝草。晉葛洪西京雜記

首蓿陶隱居云。長安中乃有首蓿園。北人甚重此。江南人不甚食之。以無味故也。外國復別有首蓿草。以療目。非此類也。嘉祐補註本草

首蓿唐李白詩云。天馬常銜首蓿花。是此陝西甚多。飲牛馬嫩時入兼食之。微甘淡不可多食。利大小腸。

有宿根刈訖又生

宋寇宗奭本草衍義

首蓿郭璞作牧宿謂其宿根自生可食牧牛馬也又羅願爾雅翼作木粟言其米可炊飯也葛洪西京雜記云樂遊苑多首蓿風在其間常蕭蕭然日照其花有光采故名懷風又名光風茂陵人謂之連枝草金光明經謂之塞鼻力迦

明李東壁本草綱目

雜記言首蓿原出大宛漢使張騫帶歸中國然今處處田野有之陝隴人亦有種者年年自生刈苗作蔬一年可三刈二月生苗一科數十莖頗似灰蘿一枝

三葉葉似決明葉而小如指頭綠色碧艷入夏及秋開細黃花結小莢圓扁旋轉有刺數莢累累老則黑色內有米如穄米可爲飯亦可釀酒羅願以此爲鶴頂草誤矣鶴頂乃紅心灰蘿也

同上

苜蓿一名木粟一名懷風一名光風草一名連枝草張騫自大宛帶種歸今處處有之苗高尺餘細莖分叉而生葉似豌豆頗小每三葉攢生一處稍間開紫花結彎角中有子黍米大狀如腰子三晉爲盛秦齊魯次之燕趙又次之江南人不識也味苦平無毒安

中利五臟洗脾胃間諸惡熱毒明王盡臣二如亭羣芳譜

種植夏月取子和蕎麥種刈蕎時首蓿生根明年自生止可刈三年後便盛每歲三刈欲畱種者止一刈六七年後墾去根別用子種若微兩浙種竹法每一年取今年半去其根至第三年去芳一半如此更換可得長生不煩更種若墾後次年種穀必倍收爲數年積葉壞爛墾地復深故今三晉人刈草三年卽墾作田亟欲肥地種穀也同上

苜蓿爾雅翼曰木粟言其米可煥飯也。○郭璞作牧宿謂其宿根自生可飼牧牛馬。

也○漢書西域傳曰罽賓有苜蓿大宛馬武帝時得其馬漢使採苜蓿種歸陸機與弟書曰張騫使外國十八年得苜蓿歸西京雜記曰樂遊苑自生玫瑰樹下多苜蓿一名懷風時人或謂光風草風在其間蕭蕭然日照其花有光采故名懷風茂陵人謂之連枝草○李時珍曰二月生苗一科數十莖葉綠色入夏及秋開細黃花結小莢圓扁旋轉有刺內有米如穄米可爲飯亦可釀酒○明徐光啓農政全書齊民要術曰地宜良熟七月種之畦種水澆一如韭法玄扈先生曰苜蓿須先剪上早種者重穫耩地使壅深闊竅瓠下子批契曳之每至正月燒去枯葉土則滋淺矣不爾一年則三刈留子者一刈則止春

初既中生取爲羹甚香長宜飼馬馬尤嗜之此物長生種者一勞永逸都邑負郭所宜種之同

崔寔曰七月八月可種首蓿同

玄扈先生曰苜蓿七八年後根滿地亦不旺宜別種

之根亦中爲薪同上

苜蓿出陝西今處處有之苗高尺餘細莖分叉而生葉似綿鷄兒花葉微長又似豌豆葉頗小每三葉攢生一處稍間開紫花結彎角兒中有子如黍米大腰子樣味苦性平無毒一云微甘淡一云性涼根寒救

飢苗葉嫩時採取爌食江南人不甚食多食利大小腸同

玄扈先生曰嘗過嫩葉恆蔬同上

陶隱居乃云長安中有苜蓿園北人甚重此江南人不甚食之以無味故也外國復別有苜蓿草以療目非此類也然按此物即是自外國來又爲茹甚軟美不知隱居何以言此宋羅願爾雅翼

西京雜記苜蓿一名懷風或謂之光風茂陵人謂之連枝草韻學一名可爲菜苜蓿胡中菜張騫得之西

戎仁過臨濟間見其花紫而長初枝可作羹和麪花已則刈送驢前矣時乾燥諸禾悉槁惟此獨茂何大復詩沙寒首蓿短以其惡水也明陳懋仁庶物異名疏

四時類要首蓿若不作畦種卽和麥和之不妨○燒首蓿之地十二月燒之訖二十年一度耕壠外根卽不衰凡首蓿春食作乾菜至益人張師說

馮時可云藜卽首蓿非也因羅願以爲鶴頂草而誤耳首蓿二月生苗可蔬一年三刈莖似灰蘆一枝三葉葉似決明而小如指頂綠色碧艷入夏秋開細黃

農桑輯要

花結小莢圓扁旋轉有刺老則黑色內米如稷可飫藜乃灰蘆葉紅心者灰多老可爲杖是鶴頂草也雷公謂之金鎖天庚辛玉冊以鶴頂草制硫伏汞及雌黃硫時珍分爲二條其實古語藜藿亦可通稱藜或爲藜古韻本一山海經泰山荻藜可道此卽秦荻藜也清皖桐方氏

懷風草一名首蓿無風自翻含風愈遠因名懷風花於日中照之光采燁然亦謂之光風草清沈賦名花譜

望江南

一名馬蹄決明

嘉祐補註本草

一名茶花兒

救荒本草

一

名槐豆

農政全書

一名決明

同上

一名金豆兒

遵生八牘

一

望江南

決明陶隱居云龍門乃在長安北今處處有葉如茫茫子形似馬蹄呼爲馬蹄決明用之當擣碎又別有草決明是妻音妻蒿子在下品中也臣禹錫等謹按唐本云石決明是蛤蜊類形似紫貝附見別出在魚獸條中皆主明目故竝有決明之名俗方惟以療眼也道術時須蜀本圖經云葉似苜蓿而闊大夏花秋生子作角實似馬蹄俗名馬蹄決明今出廣州桂卅十月採子陰乾爾雅云薢若芙蓉釋曰藥草決明也郭

云葉黃銳赤華實如山茱萸或曰陵也關西謂之薢若藥性論云決明臣利五藏常可作菜食之又除肝家熱朝朝取一匙按令淨空心吞之百日見夜光陳藏器云茳芏是江籬子茳字音吐草也似莞生海邊可爲席又與決明葉不類本草決明注又無好事者更詳之陶云決明葉如茳芏按茳芏性平無毒火灸作飲極香除痰止渴令人不睡煬帝嘉之日華子云馬蹄決明助肝氣益精水調末塗消腫毒煬太陽穴治頭痛又貼腦心止鼻洪作枕勝黑豆治頭風明日

也嘉祐補註本草

謹按爾雅薢若莢蕘註莢明也葉黃銳赤華實如山茱萸或曰陵也關西謂之薢若據郭氏所說則薢蕘與馬蹄決明其種大別也

決明子生龍門川澤今處處有之人家園圃所蒔夏初生苗高三四尺許根帶紫色葉似苜蓿而大七月有花黃白色其子作穗如青菉豆而銳十月十日採陰乾百日按爾雅薢若莢蕘釋曰藥草莢明也郭璞注云葉黃銳赤華實如山茱萸關西謂之薢若與此

種頗不類、又有二種馬蹄決明葉如茳芒子形似馬蹄故得此名、又萋蒿子亦謂之草決明、未知孰爲入藥者、然今醫家但用子如菉豆者、其石決明是蚌蛤類當在蟲獸部中、本草圖經

決明子苗高四五尺春亦爲蔬秋淡結角其子生角中如羊腎今湖南北人家園圃所種甚多或在村野或成段種蜀本圖經言葉似苜蓿而闊大甚爲允當、

宋寇宗奭本草衍義  
決明此馬蹄決明也以明月之功而名又有草決明

石決明皆同功者草決明卽青葙子陶氏所謂萋蒿是也、明李東壁本草綱目

決明有二種一種馬蹄決明莖高三四尺葉大於苜蓿而本小末麥晝開夜合兩兩相帖秋開淡黃花五出結角如初生細豇豆長五六寸角中子數十粒參差相連狀如馬蹄青綠色入眼目藥最良一種茳芒決明救荒本草所謂山扁豆是也苗莖似馬蹄決明但葉之本小末尖正似槐葉夜亦不合秋開淡黃花五出結角大如小指長二寸許角中子成數列狀如

黃葵子而扁其色褐味甘滑二種苗葉皆可作酒麴俗呼爲獨占缸但茳芒嫩苗及花與角子皆可瀹茹及點茶食而馬蹄決明苗角皆韌苦不可食也蘇頌言薢若卽決明殊不類恐別一物也

同上

相感志言關中種決明蛇不敢入丹溪朱氏言決明解蛇毒本於此也王冕山居錄言春月種決明葉生採食其花陰乾亦可食切忌泡茶多食無不患風按馬蹄決明苗角皆韌而苦不宜於食縱食之有利五臟明日之功何遂至于患風耶又鋗積霏雪錄言人

家不可種決明生子多跛此迂儒誤聽之說也不可

信同上

李氏曰決明子能明日故名生龍門川澤今處處有之爲園圃所蒔夏初生苗高三四尺本小末大根微紫色葉似苜蓿晝開夜合兩兩相貼七月開花淡黃五出結莢如初生細豇豆長二三寸莢內結子其色青碧味苦韌十數粒參差相連狀如馬蹄下大上銳十月收采一種莖葉根形酷似但本小末尖葉不夜合者名爲茳芒救荒本草所謂山扁豆是也花亦黃

色五出結莢如小指長一二寸莢中子如黃葵子而扁其色褐味甘滑二種苗葉花皆可瀹茹及點茶食如入藥用惟用馬蹄決明子爲佳外又有一種草決明葉黃銳赤華結實如山茱萸關中謂之薢若與此二種實不類明倪朱謨本草彙言

決明有二種馬蹄決明高三四尺葉大於首蓿而本小末麥晝開夜合兩兩相帖秋開淡黃花五出結角如初生細豇豆長五六寸子數十粒參差相連狀如馬蹄青綠色入眼藥最良一種茳芒決明卽山扁豆

苗莖似馬蹄決明但葉本小末尖似槐葉夜不合秋開淡黃花五出結角如小指長二寸許子成數列如黃葵子而扁色褐味甘滑二種苗葉皆可作酒麴俗呼爲獨占缸茳芒決明嫩苗及花角子皆可瀹爲茹忌入茶馬蹄決明苗角皆韌苦不可食以能明日得

名明王鑑臣二如亭羣芳譜

決明夏初下種生苗高四五尺葉似苜蓿而大六七月開黃白花秋深結角其子生角中如羊腎初出苗及嫩蕊嫩莢皆可食俗名望江南水雲錄云種望江

南候花蕊半開，摘下沸湯焯過，鹽醃一時曬乾食之。其味甚美，若以嫩莢與花炒食尤佳。子不堪食，藥性論云：決明利五臟，常可作菜食之。又除肝家熱，朝取子一匙，按令淨，空心吞之。百日夜見光，杜子美秋雨歎云：雨中百草秋爛死，階下決明顏色鮮。蘇子由種決明，詩閒居九年，祿不代耕，肉食不足，藜烝藿羹多求異蔬以備，晨烹秋種，畱粟春種，決明決明，目功見本草食其花葉亦去熱惱，有能益人矧可以飽，三嘆不食笑杜陵老。又云蜀人舊食決明花，穎川夏秋

少菜，崇寧老僧敎人并食其葉，霏雪錄云：人家園圃中，四旁宜種決明，蛇不敢入。又云陳白雲家籬援間植決明，家人摘以下茶，生三女皆短而跛。王氏女甥亦跛，會誓朱氏一子亦然，其家亦常種之，悉拔去，未

知信否，明周文華

致富全書

決明爾雅曰：薢若，郭璞注曰：藥草決明也，即青葙子。一種茳茳決明，又有二種，一種馬蹄決明，入藥最良，角惟茳茳可食，馬蹄韌苦不堪食也。○明徐光啓農政全書

四時類要曰：二月取子，畦種同葵法，葉生便食，直至

秋間有子若嫌老番種亦得若入藥不如種馬蹄者

上同

博聞錄曰園圃四旁宜多種蛇不敢入

同上

望江南其花名茶花兒人家園圃中多種苗高二尺許莖微淡赤色葉似槐葉而肥大微尖又似胡蒼耳葉頗大及似阜角葉亦大開五瓣金黃花結角長三寸許葉味微苦救飢採嫩苗葉熯熟水浸淘去苦味油鹽調食花可炒食亦可燂食

同上

玄扈先生曰嘗過或名槐豆或直稱決明

同上

決明日英莞曰陵關西曰薢芨故爾雅云薢芨英莞共有三種其一則山決明也相似而不可食其二曰馬蹄決明日實似馬蹄尤良

宋鄭夾深昆蟲草木畧

前輩筆記小說固有字誤或刊本之誤因而後生末學不稽考本出處承襲謬誤甚多今畧舉其一端如馬大年永卿著懶真子錄辨王逸注楚詞以芨爲陵秦人曰薢芨之誤當矣惜其字有差誤義遂不

卿謂爾雅薢芨英光注云英明也或云陵也關西謂之薢芨字音皆又云陵厥擣注今水中芨此皆馬所

記也。今余考爾雅正本，則云薢若、英光注、英明也。卽今決明也。或曰：陵也。字從「下」非從「艹」及至陵蕨，擋然後從「凌」注水中，芟也。則是陵與芟其爲二物不同。王逸誤引陸生之陵曰：薢若而爲水中之陵，其失明甚。而馬又併以從水，兩陵字交證，且誤以英光英明爲英光英明此馬大年之誤尤可哂也。

宋史繩祖

學齋咭碑

金豆兒卽決明子。

明高濂遵生八歲

決明子苗高四五尺，葉似苜蓿而大，花黃白色，秋深結角，其子生角中，如羊腎，主明目，其葉春間亦可爲

解毒

八閩

蔬主肝毒熱。

通志

決明子葉如槐，秋結子如豆。

泉州府志

樹決明頗似槐，花黃可作菜食之，除肝熱。

肇慶府志

決明子花黃白色，其子作穗，如青豆而銳。

寧波府志

望江南紅黃如槐而厚葉可食。

河間府志

薢若草決明也。王逸許慎以爲芟陵非矣。○嬪眞子曰：士人簡尺以解若，易邂逅非也。離騷芟荷，王逸注芟陵也。秦人作薢若，音皆苟。僕仕關陝，不聞此呼。後讀爾雅薢若英光注英明也。或云陵，關西謂薢若。僕

謂英光今草莢明初可爲茹子治目疾其以解去垢穢名乎又爾雅蒼厥據注水中蒼芟則蒼自不亂薜若也然則古誤乎曰古者信傳信疑傳疑郭璞引騷承王逸之疑耳按爾雅薜若英光郭注曰草決明也何待蘐真子辯邪今有馬蹄決明青葙子亦名草決明一種類茳芒子秋開澹黃花結角如豇豆長中有子此馬蹄也一種茳芒決明救荒本草所言山扁豆也稍小不晝開夜合皆入麴曰獨占缸升菴以芟爲芟謬矣黃芪亦名芰草將曰菱芰邪解后通邂逅用

若則誤

明方以智通雅

決明夏初下種苗高四五尺六七月開黃白花秋深結角初出苗及嫩蕊嫩莢皆可食俗名望江南蘇子由云間居九年祿不代耕肉食不足藜烝藿羹多求異蔬以備晨烹秋種罌粟春種決明決明明日功見本草食其花葉亦去煩惱有能益人矧可以飽三嗅不食笑杜陵老霏雪錄云人家園圃中四旁宜種決明蛇不敢入清石巖逸叟增定致富奇書

決明一名馬蹄決明俗名望江南隨處有之二月取

子畦種夏初生苗葉似苜蓿大而粗疎根帶紫色七月開淡黃花間有紅白花晝開夜合者結角如細豇豆子青綠而微銳一莢數十粒參差相連狀如馬蹄可作酒藥并眼目藥或云取子一匙按令淨空心吞之百日後夜可見光一種茳芒決明苗莖似馬蹄但葉本小末尖似槐葉夜不合開淡黃花子如黃葵而扁味甘滑其嫩苗及花角子皆可瀹茹但忌入茶若園圃中四旁多種決明則蛇不敢入清陳淏子秘傳花鏡

茳芒決明

一名山扁豆救荒本草

俗名折磨打異法已

茳芒決明

陶云：決明葉如茳芒。按：茳芒性平無毒，火炙作飲，極香除痰止渴，令人不睡。煬帝嘉之。

嘉祐補註本草

決明有二種。一種馬蹄決明，莖高三四尺，葉大於苜蓿，而本小末參，晝開夜合，兩兩相帖。秋開淡黃花，五出結角，如初生細豇豆，長五六寸，角中子數十粒，參差相連，狀如馬蹄，青綠色，入眼目藥最良。一種茳芒決明，救荒本草所謂山扁豆是也。苗莖似馬蹄決明，但葉之本小末尖，正似槐葉，夜亦不合。秋開淡黃花。

五出結角大如小指長二寸許角中子成數列狀如黃葵子而扁其色褐味甘滑二種苗葉皆可作酒麴俗呼爲獨占缸但茫茫嫩苗及花與角子皆可瀹茹及點茶食而馬蹄決明苗角皆韌苦不可食也蘇頌言解若卽決明殊不類恐別一物也明李東壁本草綱目

茫茫生道旁葉如決明而小性平無毒火炙作飲極香能除痰止渴明倪朱謨本草彙言

山扁豆生田野中小科苗高一尺許葉似葵藜葉微大根葉比苜蓿葉頗長又似初生豌豆葉開黃花結

小扁角兒味甜救飢採嫩角燂食其豆熟時收取豆煮食明徐光啓農政全書

茫茫決明卽山扁豆苗莖似馬蹄決明但葉本小末尖似槐葉夜不合秋開淡黃花五出結角如小指長二寸許子成數列如黃葵子而扁色褐味甘滑明王蓋臣本草綱目

二如亭  
羣芳譜

庶物類纂草屬卷之二十三目次

皮弁草

苦藶

六月柿

皮弁草

一名歲

爾雅

一名寒漿

同上

一名苦歲

郭璞

爾

一

名酸漿

神農

本草

一名醋漿

同上

一名燈籠草

唐本草

一名洛神珠

同上

一名王母

珠

同上

一名苦蘗

中華

今註

古

一名紅姑娘

楊升菴

文集

卷

一名姑娘菜

救荒

本草

一名燈籠兒

同上

一名掛金

花史

一

燈

同上

一名天泡草

本草

綱目

一名金燈籠

花史

左編

一

名紅燈籠兒

淮

俗名浮浮紫氣

皮弁草

歲寒漿

爾雅  
歲音針

今酸漿草江東呼曰苦歲

晉郭璞  
爾雅註

歲一名寒漿郭云今酸漿草江東呼曰苦歲案本草酸漿一名醋漿陶註云處處人家多有葉亦可食子

作房房中有子如梅李大皆黃赤色

宋邢昺  
爾雅疏  
歲音針今酸漿草亦名苦耽

宋鄭夾漈  
爾雅註

燈籠草味苦大寒無毒主上氣咳嗽風熱明目所在有之八月採枝幹高三四尺有花紅色狀若燈籠內

有子紅色可愛根莖花實並入藥使

唐本草

酸漿陶隱居云處處人家多有葉亦可食子作房房中有子如梅李大皆黃赤色小兒食之能除熱亦主黃病多效臣禹錫等謹按蜀本云根如蕷芥白色絕苦擣其汁治黃病多效爾雅云葴寒漿注今酸漿草江東人呼曰苦葴

嘉祐補註本草

苦耽苗子味苦寒小毒主傳戶伏連鬼氣疰忤邪氣腹內熱結目黃不下食大小便澀骨熱欬嗽多睡勞乏嘔逆痰壅痃癖痞滿小兒無韋歷子寒熱大腹殺

蟲落胎去蠭毒並煮汁服亦生擣絞汁服亦研傳小兒閃癖生故墟垣塹間高二三尺子作角如撮口袋中有子如珠熟則赤色人有骨蒸多服之關中人謂之洛神珠一名王母珠一名皮弁草又有一種小者名苦讝

新補同上

酸漿生荆楚川澤及人家田園中今處處有之苗似水茄而小葉亦可食實作房如囊囊中有子如梅李大皆赤黃色小兒食之尤有益可除熱根似蕷芥色白絕苦擣其汁飲之治黃病多效五月採陰乾爾雅

所謂歲音針寒漿郭璞注云今酸漿草江東呼爲苦歲

是也今醫方稀用

本草圖經

酸漿今天下皆有之苗如天茄子開小白花結青殼熟則深紅殼中子大如櫻亦紅色櫻中復有細子如落蘇之子食之有青草氣此卽苦耽也今圖經又立苦耽條顯然重復本經無苦耽

宋寇宗奭本草行義

酸漿以子之味名也苦歲苦耽以苗之味名也燈籠皮弁以角之形名也王母洛神珠以子之形名也按楊慎卮言云本草燈籠草苦耽酸漿皆一物也修本

草者非一時一人故重複耳燕京野果名紅姑娘外垂絳囊中含赤子如珠酸甘可食盈盈遶砌與翠草同芳亦自可愛蓋姑娘乃瓜囊之訛古瓜姑同音娘囊之音亦相近耳此說得之故今以本經酸漿唐本草燈籠草宋嘉祐本草苦耽俱併爲二焉

明李東壁本草綱目

龍葵酸漿一類二種也酸漿苦藏一種二物也但大者爲酸漿小者爲苦藏以此爲別敗醬亦名苦藏與此不同其龍葵酸漿苗葉一樣但龍葵莖光無毛五月入秋開小白花五出黃蕊結子無殼纍纍數顆同

枝子有蒂蓋生青熟紫黑其酸漿同時開小花黃白色紫心白蕊其花如盃狀無瓣但有五尖結一鈴殼凡五稜一枝一顆下懸如燈籠之狀殼中一子狀如龍葵子生青熟赤以此分別便自明白按庚辛玉冊云燈籠草四方皆有惟川陝者最大葉似龍葵嫩時可食四五月開花結實有四葉盛之如燈籠河北呼爲酸漿據此及楊慎之說則燈籠酸漿之爲一物尤可證矣唐慎微以三葉酸草附於酸漿之後蓋不知其名同物異也其草見草之八酢漿下同上

酸漿草一名醋漿一名苦耽一名苦歲一名燈籠草  
一名皮弁草一名王母珠一名洛神珠卽今所稱紅  
姑娘也酸漿醋漿以子之味名也燈籠皮弁以殼之  
形名也苦耽苦歲以苗之味名也王母洛神珠以子  
之形名也所在有之惟川陝者最大苗如天茄子高  
三四尺葉嫩時可食四五月開小白花結薄青殼熟  
則紅黃色殼中實大如龍眼生青熟則淡紅實中復  
有細子如落蘇之子食之有青草氣小兒喜食之性  
苦寒無毒治內熱煩滿黃病大小便澀骨熱欬嗽小

兒無辜瘞子寒熱大腹殺蟲去蠱毒煮汁或生搗汁服其實產難吞之立產能落胎孕婦忌研膏傅小兒

閃癖明王鑑臣二  
如亭群芳譜

辨訛世有以龍葵爲酸漿者不知二物苗葉雖同但龍葵莖光無毛五月入秋開小白花五出黃蕊結子五六顆多者十餘顆纍纍下垂無殼有蓋蒂長一二分生青熟紫黑酸漿同時開小花黃白色紫心白蕊花如盃無瓣有五尖結一殼含五稜一枝一顆下懸如燈籠狀殼中子一顆以此分別便自明白同上

姑娘菜俗名燈籠兒又名掛金燈本草名酸漿一名醋漿生荆楚川澤及人家田園中今處處有之苗高一尺餘苗似水莨而小葉似天茄兒葉窄小又似人覓葉頗大而尖開白花結房如囊似野西瓜萌形如撮口布袋又類燈籠樣囊中有實如櫻桃大赤黃色味酸性平寒無毒葉味微苦別條又有一種酸漿草三葉與此不同治證亦別救飢採葉爛熟水浸淘去苦味油鹽調食子熟摘取食之明徐光啓農政全書

姑娘菜一名紅燈籠兒一名掛金燈苗高尺餘葉似

天茄兒葉窄小開白花結房如囊似野西瓜蒴如撮口布袋囊中有實如櫻桃大赤黃色味酸性平寒無毒葉味微苦採葉熑熟水浸去苦味食子熟可食

明徐爾貞醫滙

苦葴一名苦蕘子在襄形如皮并始生青熟則赤裏有實正圓如珠亦隨裹青赤長安兒童謂爲洛神珠一曰王母珠一曰皮并草

晉崔豹中華古今注

苦耽卽本草酸漿也新集本草又重出苦耽一條河西番界中酸漿有盈丈者

宋沈存中夢溪筆譚

徐一夔元故宮記云櫻毛殿前有野果名紅姑娘外垂絳囊中含赤子如珠甜酸可食盈盈纏砌與翠草同芳亦自可愛慎按此果京師尤多市人鬻之爲閨人小兒之玩紅姑娘之名不改也

明楊升菴文集

金燈籠草本結子儼若燈籠薄衣爲罩內包紅子大若龍眼去衣看子甚妙

明王仲遵花史左編

荔枝有名十八娘者上品今草中有名錦荔枝者元時名曰紅姑娘亦自可愛徐大章元故宮記金殿前有野果名紅姑娘外垂絳囊中空有子如丹珠味酸

甜可食，盈盈繞砌，與翠草同芳是也。余嘗有詩云：十八娘豐殺有名紅姑娘弱更多情秋風一粲皇丹齒，幸免驥人誚側生殺去聲方言惑殺也。明田藝衡雷青日札

謹按紅姑娘與錦荔枝不同，以爲一物誤也。

千金方治婦人赤白帶下，三葉酸漿草陰乾爲末，空心溫酒下參錢七。按三葉酸漿草葉細如萍叢，生莖端有三葉，俗又名布谷飯。布谷者鳩也，蓋鳩常食之，故又名鳩漿草。衍義悞入苦耽條，卽曰三葉酸漿草。豈苦耽卽酸漿歟？苦耽有子大如金柑味酸可食，故亦名酸漿，非三葉也。三葉酸漿小全

草布地而生葉皆三瓣，惟開黃花，其莖葉皆酸者。

○明王肯堂證治準繩

秘要云：利水道療產，吞其實立產。今處處有之，葉亦可食，開黃花，味酸，子作房，房中有子，如梅李大黃赤色，小兒食尤有益，可除熱，其根似蘋，色白絕苦，一名三葉酸漿。

明鄭康寧藥性要畧大全

酸漿草，一名三葉酸漿，疑卽堂卽草也，畫形亦似堂卽草，結子成房，房內有子，黃色可食，味酸微苦。

同上

謹按苦耽酸梅草並名酸漿，故致差違。

酸漿草宜卽堂卽草也，其畫形亦相似。

同上

酸漿爾雅曰歲注云酸漿也

八閩通志

燈籠草結果曰紅姑娘乃紅瓜囊之訛

明方以智通雅

王母珠一名酸漿一名苦歲俗名燈籠草所在有之  
苗似水茄而小根長二三尺五月開小白花於葉極  
結子外有青殼薄衣爲罩熟則淡紅儼若燈籠淡秋  
殼內子紅老若珊瑚珠去衣看子更佳分根栽亦可

清陳淏子秘傳花鏡

酸醬此卽燈籠草花如盃狀無瓣但有五尖殼凡五  
稜一枝一顆下懸如燈籠殼中一子生青熟赤所謂

外垂絳囊中含赤珠盈盈遠砌與翠草同芳者也  
顧元文本草彙箋

苦蘗

一名黃蔭

爾雅

一名小苦蘗

嘉祐補註本草

苦蕪

蕪、黃蔴

爾雅○職蔴音除

蕪草葉似酸漿

華小而白中心黃江東以作菹食

晉郭

蕪草一名黃蔴

郭云蕪草葉似酸漿華小而白中心

黃江東以作菹食

宋邢昺

蕪菜也俗呼竹茶

可作菹葉似蒟蒻葉蕪蔴音職除

宋鄭夾漈

爾雅註

謹按鄭夾漈通志亦云蕺曰蕪

爾雅云蕪黃蔴葉

宋鄭夾漈

爾雅註

似蕓薺蔓生生田野陰溼處此以識爲蕺與郭註不同當以郭說爲正

陳藏器云苦識味苦寒有小毒擣葉傅小兒閃癖煮汁服去暴熱目黃秘寒葉極似龍葵但龍葵子無殼苦識子有殼蘇云是龍葵誤也人亦呼爲小苦耽崔豹古今注云苦識一名識子有實形如皮弁子圓如

陳藏器  
嘉祐補

註本草

苦耽又有一種小者名苦蕨

同上

蕃柿

一名六月柿

羣芳譜

蕃柿

蕃柿一名六月柿莖似蒿高四五尺葉似艾花似榴  
一枝結五實或三四實一樹二三十實縛作架最堪  
觀火傘火珠未足爲喻草本也來自西蕃故名

明王  
鑒臣

二如亭  
羣芳譜

六月柿莖高四五尺一枝結五實或三四實一樹不  
下二三十實火傘火球未足爲喻條似蒿葉似艾花  
似榴種來自西蕃故又名蕃柿

明朱國禎  
湧浦小品

庶物類纂草屬卷之二十四目次

芭蕉

霸王

芭蕉

一名甘蕉神農本草  
草木一名芭蕉綱目本草  
狀同一名芭道齊民要術  
仙上一名翠旌名物圖說  
方言一名綠天羣芳譜  
一名扇南方

## 芭蕉

甘蕉根陶隱居云本出廣州今都下東間並有根葉無異惟子不堪食爾根擣傅熟腫甚良又有五葉莓生人籬援間作藤俗人呼爲籠草取其根擣傅癰瘡亦効唐本注云五葉即烏蘋草也其甘蕉根味甘寒無毒擣汁服主產後血脹悶傅腫去熱毒亦効嶺南者子大味甘冷不益人北間但有花汁無實今注此藥本出廣州然有數種其子性冷不益人故不備載按此花葉與芭蕉相似而極大子形圓長及生青熟

黃南人皆食之而多動氣疾其根搗傅熱腫尤良臣禹錫等謹按蜀本圖經云俗爲芭蕉多生江南葉長丈許闊二尺餘莖虛軟根可生用不入方藥嘉祐補注本草甘蕉根舊不著所出州郡陶隱居云本出廣州江東並有根葉無異惟子不堪食今出二廣閩中川蜀者有花閩廣者實極美可啖他處雖多而作花者亦少近歲都下往往種之甚盛皆芭蕉也蕉類亦多此云抽幹作花初生大萼如倒垂莖有十數層層皆作甘蕉乃是子者葉大抵與芭蕉相類但其卷心中

瓣漸大則花出瓣中極繁盛紅者如火炬謂之紅蕉白者如蠟色謂之水蕉其花大類象牙故謂之牙蕉其實亦有青黃之別品類亦多食之大甘美亦可暴乾寄遠北土得之以爲珍果閩人灰理其皮令錫滑績以爲布如古之錫帛焉其根極冷搗汁以傅腫毒蓐婦血妨亦可飲之又芭蕉根性亦相類俚醫以治時疾狂熱及消渴金石發動躁熱並可飲其汁又芭蕉油治暗風癆病涎作暈悶欲倒者飲之得吐便差極有奇効取之用竹筒挿皮中如取漆法本草經

芭蕉三年已上卽有花自心中出一莖止一花全如蓮花葉亦相似但其色微黃綠從下脫葉花心但向上生常如蓮樣然未嘗見其花心剖而視之亦無蕊悉是葉但花頭常下垂每朵自中夏開直至中秋後方盡凡三葉開則三葉脫落北地惜其種人故少用縷其苗爲布取汁婦人塗髮令黑餘說如經宋寇

宋寇宗奭

本草行義

甘蕉按陸佃埤雅云蕉不落葉一葉舒則一葉焦故謂之蕉俗謂乾物爲巴巴亦蕉意也嵇聖賦云竹布

實而根苦蕉舒花而株槁芭苴乃蕉之音轉也蜀人謂之天苴曹叔雅異物志云芭蕉結實其皮赤如火其肉甜如蜜四五枚可飽人而滋味常在牙齒間故名甘蕉

明李東壁

本草綱目

按萬震南州異物志云甘蕉卽芭蕉乃草類也望之如樹株大者一圍餘葉長丈許廣尺餘至二尺其莖虛軟如芋皆重皮相裹根如芋魁青色大者如車轂花著莖末大如酒盃形色如蓮花子各爲房實隨花長每花一闌各有六子先後相次子不俱生花不俱

落也。蕉子凡三種。未熟時皆苦澀。熟時皆甜而脆。味如葡萄。可以療飢。一種子大如拇指。長六七寸。銳似羊角。兩兩相抱者。名羊角蕉。剥其皮。黃白色。味最甘美。一種子大如雞卵。有類牛乳者。名牛乳蕉。味微減。一種子大如蓮子。長四五寸。形正方者。味最弱也。並可蜜藏。爲果。又顧珍海槎錄云。海南芭蕉常年開花。結實。有二種。版蕉大而味淡。佛手蕉小而味甜。通呼爲蕉子。不似江南者花而不實。又范成大虞衡志云。南中芭蕉有數種。極大者凌冬不凋。中抽一條。長數尺。

節節有花。花褪葉根有實。去皮取肉。軟爛如綠柿。味極甘冷。四季恒實。土人以飼小兒。云去客熱。謂之蕉子。又名牛蕉子。以梅汁漬曝壓扁。味甘酸。有微霜。名芭蕉乾。一種雞子蕉。小於牛蕉。亦四季實。一種牙蕉子。小於雞蕉。尤香嫩甘美。惟秋初結子。一種紅蕉。葉瘦。類蘆筈花。色正紅。如榴花。日拆一兩葉。其中有。一點鮮綠可愛。春開至秋盡。猶芳俗名美。人蕉。一種膽瓶。蕉根出土。時肥飽狀如膽瓶也。又費信星槎勝覽云。南番阿魯諸國無米穀。惟種芭蕉椰子。取實代

糧也

同上

蕉一名甘蕉，一名芭蕉，一名芭苴，一名天苴，一名綠天，一名扇仙草類也。葉青色，最長大，首尾稍尖，鞠不落花。蕉不落葉，葉生一葉焦，故謂之芭蕉。其莖軟重皮相裹，外微青裏白。三年以上卽著花，自心中抽出一莖，初生大似倒垂萬苗，有二十數脣，脣皆作瓣，漸大，則花出瓣中，極繁盛。大者一圍，餘葉長丈許，廣一尺至二尺，望之如樹。生地中土者，花苞中積水，如蜜名甘露。侵晨取食，甚香甘，止渴延齡，不結實。生閩廣。

者結蕉子，凡三種。未熟時苦澀，熟時皆甜而脆。一種大如指者，長六七寸，銳似羊角，兩兩相抱，剥其皮，黃白色，味最甘，名羊角蕉。性涼去熱，一種大如雞卵，類牛乳，名牛乳蕉，味微減。一種大如蓮子，長四五寸，形正方，味最劣。建安草木狀云：芭樹子房相連，味甘美可蜜藏，根堪作脯，發時分其勾萌，可別植小者以油簾橫穿其根，二眼則不長大，可作盆景，書窗左右不可無此。君以此物擣汁治火魚毒，甚驗。性畏寒，冬間刪去葉，以柔穰苴之，納地窖中，勿蕃霜雪冰凍，又有美。

人蕉自東粵來者其花開若蓮而色紅若丹產充福建  
 福州府者其花四時皆開淡紅照眼經月不謝至曉瓣中甘露如飴食之止渴產廣西者樹不高花辦尖大紅色如蓮甚美又有二種葉與他蕉同出紅葉一片亦名美入蕉一種葉瘦類蘆筍花正紅如榴花一日拆一兩葉其端一點鮮綠可愛春開至秋盡猶芳亦名美入蕉膽瓶蕉根出土而結子名蕉黃味甘可食霏雪錄云蕉黃如柿味香美勝瓜冬嚴密春分勾崩一如芭蕉法○明王鑑羣芳譜臣二如亭

水蕉白花不結實取其莖以灰練之解散如絲績以爲布謂之蕉葛出交趾同上

甘蕉出赤巖山水石間有甘蕉林高者十餘丈同上製用蕉根有兩種一種黏者爲糯蕉可食取作大片灰汁煮令熟去灰汁又以清水煮易水令灰味盡取壓乾以鹽醬蕪姜椒乾薑熟油胡椒等雜物研泥一兩宿出焙乾略槌令軟全類肉味同上

僧懷素性嗜書無紙種蕉數萬本取葉供書號所居

曰綠天同上

南番阿魯諸國無米穀惟種芭蕉椰子取實代糧三星樣勝覽○同上

芭蕉漢書注一名芭苴廣志曰一名芭苴或云甘蕉莖如荷芋大如盂斗葉廣尺長丈許有角子兩兩相抱皮色黃白味似葡萄甜而脆其莖解散如絲績以爲葛謂之蕉葛雖脆而色黃白不如葛之赤色也出交趾建安南州異物志曰甘蕉草類望之如樹大者一圍花大如酒杯形色如芙蓉薯蕷杪根似芋大者如車轂凡三種一種子大如手拇指長而銳似羊角因名羊角蕉味最佳一種子大如雞卵似牛乳遂名牛乳蕉味微減一種大如藕長六七寸形正方最下

也取葉以灰練之如絲可績梁沈約甘蕉詩曰抽葉固盈尺擢本信兼園流甘揜柳實弱縷冠繡衣唐僧懷素善書貧無紙嘗於故里種芭蕉以供揮灑本茂生花花實即成甘露丘文莊公羣書抄方載中蠱毒用白蘘荷柳子厚在柳州種之蓋亦不知爲何物也按松江志曰白蘘荷卽今甘露考之本草其形性正同或因袁安臥雪圖有雪中芭蕉遂謂蕉能踰寒而不知實畏寒將至霜降節用稻草密裹不致凍萎來年方能長茂栽宜向陰避風處不喜糞性愛煖故於

兩廣山中獨盛遍地芭蕉皆生甘露民間取以和飯

以喂小孩取其甘甜也

明周文華致富全書

芭蕉廣志曰芭蕉一曰芭蕉或曰甘蕉莖如荷芋重四寸角著蒂生爲行列兩其對若相抱形剥其上皮色黃白味似葡萄甜而脆亦飽人其根大如芋魁大者一石青色○南方異物志曰甘蕉草類望之如樹株大者一圍餘葉長一丈或七八尺廣尺餘華大如酒杯形色如芙蓉莖末百餘子大各爲房根似芋魁大者如車轂實在華中每華一箇各六子先後相次子不俱生華不俱落此蕉有三種一種子大如拇指長而銳有似羊角名曰羊角蕉味最甘好一種大如雞卵有似羊乳味微減羊角蕉一種蕉大如藕長六七寸形正名曰蕉少甘味最弱其莖如芋取漢而煮之則如絲可紡績○玄扈先生曰今南中獨漳浦甘蕉絕美味○明徐光啓農政全書

齊民要術曰其莖解散如絲織以爲葛謂之蕉葛雖脆而好色黃白不如葛色出交趾建安同上

異物志曰甘蕉如飴蜜甚美食之四五枚可飽而餘滋味猶在齒牙間顧微廣州記曰甘蕉與吳花實根葉不異直是南土暖不經霜凍四時花葉展其熟甘未熟時亦苦澀玄扈先生曰此謬矣吳下所有者囊荷也○同上

甘蕉望之如樹株大者一圍餘葉長一丈或七八尺廣尺餘二尺許花大如酒杯形色如芙蓉著莖末二百餘子大各爲房相連累甜美亦可蜜藏根如芋魁大

者如車載實隨華每華一箇各有六子先後相次子  
不俱生花不俱落一名芭蕉或曰巴苴剥其子上皮  
色黃白味似蒲萄甜而脆亦療饑此有三種子大如  
拇指長而銳有類牛乳名牛乳蕉微減羊角一種大如  
大如鷄卵有類牛乳名牛乳蕉雖脆而好黃白  
不如葛赤色也交廣俱有之三輔黃圖曰漢武帝元  
鼎六年破南越建扶荔宮以植所得奇草異木有甘  
藕子長六七寸形正方少甘最下也其莖解散如絲  
以灰練之可紡績爲繕縫謂之蕉葛雖脆而好黃白  
不如葛赤色也交廣俱有之三輔黃圖曰漢武帝元  
鼎六年破南越建扶荔宮以植所得奇草異木有甘

蕉二本

晉嵇含南  
方草木狀

廣志曰芭蕉一曰芭蕘或曰甘蕉莖如荷半重皮相  
裹大如盂升葉廣二尺長一丈子有角子長六七寸  
有帶三四寸角著帶生爲行列兩兩共對若相抱形  
剥其上皮色黃白味似葡萄甜而脆亦飽入其根大  
如芋魁大一石青色其莖解散如絲織以爲葛謂之  
蕉葛雖脆而好色黃白不如葛色出交趾建安後魏  
賈思勰齊民要術

南方異物志曰甘蕉草類望之如樹株大者一圍餘

葉長一丈或七八尺廣尺餘華大如酒盃形色如美  
蓉莖末百餘子大各爲房根似芋魁大者如車轂實  
在華每華一鬱各有六子先後相次子不俱生華不  
俱落此蕉有三種一種子大如拇指長而銳有似羊  
角名羊角蕉味最甘好一種大如雞卵有似羊乳味  
微減羊角蕉一種蕉大如藕長六七寸形正名方蕉  
少甘味最弱其莖如芋取濩而煮之則如絲可紡績  
也同上

異物志曰芭蕉葉大如筵席其莖如茅取蕉而煮之

則如絲可紡績女工以爲絲綸則今交趾葛也其內  
心如蒜鵝頭生大如今并因爲實房著其心齊一房  
有數拾枚其實皮赤如火剖之中黑剥其皮食其肉  
如飴蜜甚美食之四五枚可飽而餘滋味猶在齒牙  
間一名甘蕉同上

顧微廣州記曰甘蕉與吳花實根葉不異直是南土  
暖不經霜凍四時花葉展其熟甘未熟時亦苦澀同上  
蕉子芭蕉極大者凌冬不凋中抽蘇長數尺節節有  
花褪葉根有實去皮取肉軟爛如綠柿極甘冷四

季實土人或以飼小兒云性涼去客熱以梅汁漬暴乾按令扁味甘酸有微霜世所謂芭蕉乾者是也又名牛子蕉宋范成大桂海虞衡志

雞蕉子小如牛蕉亦四季實同上

芽蕉子小如雞蕉尤香嫩甘美秋初實同上

地氣莫煖於東南若福南四郡地居東南偏乘霜所不灑故生荔枝水口離郡城稍西北僅兩程許荔枝絕種矣余以盛冬入福州芭蕉葉無凋者解中美人蕉纈紅鮮甚比出過延平已入春而蕉葉始放乃知

二百里外蕉無冬葉矣然吳中蕉三月始抽萌視延津尚遲兩月明王敬美閩部疏

美人蕉福州爲多而無蕉實泉漳間始家樹大蕉小曰芽蕉皆能實後研而絲之是爲蕉布其實大都如吳中所生甘露第彼作辦有露無實此囊生纍纍可乾食耳然味甜無韻故不如美人蕉花可供玩芭花獨盛余解中以盛冬發一紅辦上抽綠苗三四月間齊放簇若朱蓮經月不敗大是佳卉同上

芭蕉常半開花結實有二種一曰版蕉大而味淡一

曰佛手蕉小而甜俗呼爲蕉子作常品不似吾江南  
茂而不花花而不實明顧嶽海

不花而不實明顧嶽海

榦餘錄

南州異物志載蕉有三種最甘好者爲羊角蕉其一  
如雞卵其一如藕子此皆芭蕉耳今閩廣蕉尚有數  
種有美入蕉樹葉皆似芭蕉而稍小開花殷紅鮮麗  
千葉如槌經數月不凋謝擣置瓶中以水漬之亦可  
經一兩月也此蕉最佳書齋中多植之明謝肇淛  
五雜俎

格物總論芭蕉一名芭苴根出地面兩三莖成一簇  
重皮相裹葉如扇中心抽幹作花初生萼如倒垂華

苗紅者如火炬謂之紅蕉白者如蠟色謂之水蕉閩  
人以灰理其皮令滑續以爲布又一種花如酒杯色  
如芙蓉甜美可蜜藏是爲甘蕉又有子大如拇指長  
而銳有類羊角者名羊角蕉最甘美子如雞卵大有  
類牛乳者爲牛乳蕉一種大如藕子長六七寸其莖  
皆散散如絲可紡績爲絺紵交廣閩人俱能爲之明  
彭大翼張幼學

山堂肆考

芭蕉此物有數種花極大類象牙色者實大甘美可  
食名曰牙蕉卽甘蕉也其卷心中抽幹作花生大夢

大翼張幼學

無物願錄

卷之十二

草薈 芭蕉

十三

如倒垂菡萏，十數瓣，會辦漸大，則花開，辦中繁盛，紅如火者爲之。紅蕉白如蠟，色爲之。水蕉明鄭康寧藥性要略大全

芭蕉曰翠旌明胡文煥名物法言

蕉本草名甘蕉，俗呼芭蕉，葉長而大，其卷心中抽蘿作花，一莖只一蘿花，如倒垂菡萏，每開一瓣，則子駢生，附蘿自中夏開直至中秋後方盡，子凡數十枚，生青熟黃，食之甘美，亦可曝乾，寄遠，閩中所產者大，槩有二種，一種樹高丈餘，子差大，俗呼象牙蕉，一種樹高五六尺，子差小，俗呼佛指蕉，又一種樹高三十二尺。

莖小，開紅花無實，俗呼紅蕉，又一種無花實，其苗可織爲布，即所謂蕉布也。八閩通志

蕉大小二種，又有紅蕉花同上

蕉俗呼芭蕉，有象牙蕉，樹高丈餘，實大，佛指蕉，樹高五六尺，實差小，美人蕉，紅花無實，又一種無花實，苗可織爲布，又有番蕉福州府志

蕉俗呼芭蕉，身極柔脆，針刺可入，葉長四五尺，如扇，結子數十枚，生青熟黃，有二種，一曰荊蕉，一曰牙蕉，差小而尤甘。泉州府志

蕉本草名甘蕉俗呼芭蕉汀州府志

芭蕉夏花秋實啖之甘美如飴或云可以益壽但歲華且實者希耳萬曆杭

州府志

芭蕉有數種無子者曰績蕉雷州府志

芭蕉香蕉牙蕉雞卵蕉探筒蕉牛蕉儋州志

芭蕉一名芭苴望之如樹株大者一圍重皮相裹葉廣尺長有文張文潛詩云翠舒曉日線錦障西風

江陰縣志

芭蕉園中玩植有美人鳳尾等重修靖江縣志

巴且巴蕉也○史記相如子虛賦諸柘搏且漢書作諸蔗巴且注搏且襄荷也東壁曰襄荷一名覆苴引說文作蓄苴上林作搏且一大招云醯豚苦狗膾苴尊王逸注曰苴尊音搏襄荷也孫愐作尊音粕曰尊苴大襄荷名韻會芟之是也崔豹曰白曰襄荷紫曰蓄蘚葉似蕉根似薑丹鉛錄曰急就章注襄荷卽今甘露智按二者迥別襄荷高五尺幹葉似大高粱黍闊二三寸長尺餘而巴蕉葉闊二尺長五六尺本高數丈豈相類乎襄荷抽心紅紫略似紅蕉之蓓蕾吾每

矣，古入說物未<sub>タ</sub>大都此類。此子虛語東壁引作上林亦誤矣。班固攷爲巴且，卽是芭蕉確證。且相如既用諸蔗搏且，而又用此薑蘘荷，一手所成，上呈天子。豈有重出者乎？此又一確證也。嵇聖賦曰：竹布實而根苦，蕉舒花而株槁。蜀人謂之天苴。陸佃曰：一葉舒則一葉蕉巴。巴亦蕉意也。嶺南冬不壞高，則結子。曹叔雅異物志曰：芭蕉結實，其皮赤如火，殆誤記。美人蕉之紅心邪？萬震謂蕉如芋，形容拙甚。顧珍近之，蕉子蒸暴乾之，最甘。猺啖蕉花，冬食其根，或績蕉皮爲

布。今入曰甘露。古入或曰甘蕉。三輔黃圖載甘蕉三十

十明方以智通雅

閩粵版蕉結子，大而味淡。佛手蕉小而甜，有羊角蕉、牛乳蕉，有四季結子者。生食甘冷，熟而乾之，最佳。開紅花曰美人蕉。嶺北卽不易結子。蕉皮可爲布葉蒸而乾之，可以苴物。全入曰截蕉花頭，則結實大。芭蕉花實兩廣極多，他處偶見，遂爲奇貨。種法將至霜降，卽用稻草覆之。來春芽發時，分取小根，用油簪腳，橫刺二眼，終不長大。可作盆玩。清石巖逸叟增芭蕉花實兩廣極多，他處偶見，遂爲奇貨。種法將至霜降，卽用稻草覆之。來春芽發時，分取小根，用油簪腳，橫刺二眼，終不長大。可作盆玩。清石巖逸叟增

芭蕉一名芭苴一名綠天繫草本高有二三丈許大  
有一圍葉長及丈闊一二尺舒一葉卽蕉一葉而不  
落花著莖末大如酒盃形色紅如蓮花者名紅蕉白  
如蠟色者名水蕉其花大類象牙故名牙蕉自中夏  
開至中秋方盡子各爲房實隨花長每花一闊各有  
六子先後相次惟產閩粵者花多實名甘露味極甜  
子不俱生花不俱落子有三種生時苦澀熟則皆甜  
味如葡萄可療饑渴羊角蕉子大如拇指長六七寸  
銳頭黃皮味亦甘美牛乳蕉子類牛乳味微減一種

子如蓮子形正方者味最薄只可蜜浸爲點茶之用  
種法將至霜降葉萎黃後卽用稻草裹幹來春芽發  
時分取根邊小株用油簪腳橫刺二眼令洩其氣終  
不長大可作盆玩性最喜暖不必肥其莖皮解散如  
絲績以爲布卽今蕉葛清陳淏子  
祕傳花鏡

蕉自東粵來者名美人蕉葉修而大者曰芭蕉綠色  
映人多植書窗日色照之几簾皆綠月色風聲令人  
益難爲情花開若蓮而色丹黃者亦有之中心一朵  
曉生甘露其甜如飴須臨晨採食一日出卽亡別有鳳

尾鐵屑、番蕉俱美。清沈賦名花譜

種法、霜後用稻草包之、春中解去嫩綠初發勿令他損。同上

治法、蕉葉燒悴用大釘燒紅釘根上立甦。同上

芭蕉根底小芽分作盆景用油簪脚將根橫刺二眼、即不長大可玩。同上

甘蕉根出川蜀閩廣結子者是非近處芭蕉也。

清馮兆張

錦囊  
祕錄

### 霸王

一名龍骨。日詢手鏡一名火殃。同上一名烽火木。遊倦錄

雜一名慎火。

肇慶府志

一名海闊。

同上

一名仙人掌。

倦遊

花鏡

俗名他胡柰紫

霸王

本草記廣州有慎火樹，樹大三四圍，慎火卽景天也。俗呼爲護火草。唐段成式  
酉陽雜俎

謹按霸王樹、景天俱有慎火之名而其物異也。陶隱居註景天云：今人皆益盛養之於屋上，云以辟火。廣州城外有一樹云大三四圍，呼爲慎火樹。江東者甚細小，此緣其名同，又可以禦火，遂誤以二物爲一種矣。段成式亦承其誤也。

酉陽雜俎云：廣州有慎火木，大三四圍，慎火本草一

名景天俗亦名護火多以盆缶植之置屋上其花紅白細錯如錦予嘗兩至番禺段成式所謂慎火乃烽火木耳又名龍骨其幹葉若慎火斷之有白汁著人肌膚遂成瘡痏亦無花蓋不者誤傳也○宋江少

虞皇朝  
類苑

有樹曰龍骨其根大者如梧棬幹如臂而扁新發者亦然根至顛頂皆有刺手不可觸以之編籬堅過於墉伐枝挿地卽活皮色青翠可愛葉如楊梅十月後脫至三月發幹葉俱有白汁其花黃心紅瓣蒂著蘇

廣東又呼爲火殃酉陽雜俎中有慎火木亦名護火多種盆缶中置屋上開紅白花倦遊錄以雜俎所云者卽龍骨樹又名烽火木斬之有白汁所見龍骨誠如倦遊錄所言但不言有刺以其稱龍骨故畧之爾若云其汁著人肌膚遂成瘡痏則余未之知意者雜俎所載慎火木或別有種明王濟君子堂日詢手鏡生八歲

霸王樹產廣中本肥狀生如掌色翠綠上多米色點子葉生頂上稱爲奇樹可也明高濂遵生八歲

霸王樹產廣中本肥狀如掌色翠綠上多米色點子

葉生頂上殆天地間之奇樹也。

明王仲遵  
花史左編

慎火俗呼火殃又名霸王樹陽江志作海闊人家籬落種之以辟火災或懸掛門上以辟瘟疫種之歲久有高三丈大十圍者百年以上可作琴材千年以上木心結香過於沉速一種形扁薄小葉清細可玩盆盎種置屋上以禦不祥久旱不枯

肇慶府志

龍骨香樹叢生有刺汁毒老而根結者香美

瓊州府志

龍骨叢生有刺汁毒老而根結者香美

儋州府志

仙人掌出自閩粵非草非木亦非果蔬無枝無葉又

并無花土中穿發一斤與手掌無異其膚色青綠光潤可觀掌上多米色細點每年只生一葉於頂今歲長在左來歲則長在右層累而上植之家中可鎮火灾如欲傳種取其一片切作三四塊以肥土植之自生全掌矣近今南浙亦間或有之錄此以見草木之

異云爾

清陳淏子  
秘傳花鏡

庶物類纂

卷二十四

庶物類纂草屬卷之二十五目次

千年蘆

冬葉

俗名和貌禿

千年蓋

一名蓋、致富  
全書 同

一名萬年青、  
同上

千年蓋

蓋卽千年蓋葉闊叢生深綠色冬夏不枯又名萬年青吳中家家植之以盛衰占興敗有造房治墉諸吉事連根葉取置頂上以爲祥瑞結姻聘幣翦綾絹肖千年蓋與吉祥草及蕙松四形並供盆中大小不一種法宜於春秋二分時分種瓦盆置背陰處四月十四俗言神仙生日刪翦舊葉拋棄通衢令人踐踏則新葉發茂盛則再分喜加肥土澆用冷茶明周文華書致富全書謹按又別有芥蓋一種名萬年青者見閩書與此

同名而異物

治白火癬萬年青搗汁服愈明高濂遵生八歲

萬年青葉似芭蕉隆冬不衰以其多壽故名明王思義三才圖會

猢犬傷人以萬年青根搗汁飲之明王儀部先生箋釋

治溼痘萬年青搗汁加煮酒飲三四鍾愈如大便不

實者忌之明孫文胤丹臺玉案

萬年青能解飲食諸毒萬曆杭州府志

萬年青植松嶺根葉如桃榔而長不計年儋州志

萬年青葉闊一二寸高尺許嘉興縣志

千年蓋一名萬年青葉闊叢生淡綠色冬夏不枯吳中家家植之以盛衰占休咎造房者連根葉置頂上以爲祥瑞結姻聘幣者翦綾絹肖其形與吉祥草及蕙松四色並列盆中種法于春秋二分時分栽瓦盆置背陰處四月十四俗傳神仙生日刪翦舊葉擲之通衢令入踐踏則新葉發生盛則再分喜加肥土澆用冷茶清石巖逸叟增定致富奇書

萬年青一名蓋闊葉叢生淡綠色冬夏不萎吳中人

家多種之。以其盛衰，占休咎。造屋移居，行聘治塲，小兒初生，一切喜事，無不用之。以爲祥瑞，口號至結烟幣聘雖不取生者，亦必翦造綾絹，肖其形以代之。又與吉祥草、蕙松四品並列盆中，亦俗套也。種法於春秋二分時分栽盆內，置之背陰處。俗云四月十四是神仙生日，當刪翦舊葉，擲之通衢，令人踐踏，則新葉發生，必盛。喜壅肥土，澆用冷茶，清陳淏子  
祕傳花鏡海上方治水腫，以萬年青根擣汁，和酒溫服。清陳三農證治還大

萬年青味苦澀，氣微寒，入腎經，專通任督之脉，亦能入肺殺癆蟲，治尸氣尤善。黑鬚髮入之，烏芝麻山藥熟地，何首烏、小黃米、白糖之中，極效。但最難乾，必入身懷，卷之三一日方可磨爲粉，入前藥內，惟是性寒，忌多用。多用則損氣，大約烏芝麻前藥各用一斤，萬年青只可用十片，斷斷莫多用也。清陳士鐸本草新編

萬年青最能殺蟲，于無形之中，然多用則殺蟲于頸，刻必須吐而出，未免大傷肺氣，反有性命之憂。不若用之于補陰之內，潛移默變，既無傷而蟲又盡殺。

無遺也

上同

萬年青之子更佳于葉。凡葉用三片者，子只消用一粒。其功用與葉相同。亦烏鬚黑髮殺癆蟲解口氣也。人家種此更能辟祟。

上同

或疑萬年青古人並未有言及烏鬚者。予言何足徵乎。鐸實聞諸異人之言。至于殺癆蟲又實親試而驗者也。嘗遊楚寓漢口。有鹹船主人患久嗽。胸中微癢。則嗽不能止。若痛則必吐血矣。問何以得此。云因泊舟。潯江偶颶風夜起呼船工整備蓬纜。一時驟雨至。

灑熱背覺寒甚。自此便嗽至今初嗽時無癢痛之徵。自癢而痛。自痛而吐血。余曰此寒雨透入于肺。愈必肺生蟲矣。渠不信。未幾而胸痛曰必吐血矣。奈何。余曰急服烏梅則可止。乃服之而安。渠問故。余曰此權宜之法。以試蟲之有無也。蟲得酸則伏。今飲烏梅湯而痛定。非蟲而何。渠乃信服。余用萬年青擣汁。用酒衝一碗。候胸中痛時急服。至夜分胸果痛。乃服萬年青。服下疼甚。幾不欲生。欲飲茶。予禁不與。渴甚。勸其再服。萬年青不聽。余固請飲之。而痛益加。喉中癢甚。

余曰此蟲欲出也急再飲萬年青汁又飲之乃吐血而蟲隨湧出長二寸半大如指形如促織長腿如螳螂其色純紫燈下視之如火有焰額上有鬚二條長寸許背上有一翅尚未長而腹尚未全生仍如大指大一血塊儻羽毛豐滿身腹俱全豈可久安予人膈乎一膳之人無不驚嘆爲神醫也病者見之暈絕余曰今後不必再憂死人矣乃用入參麥冬當歸熟地滋陰之藥十劑又用健脾補氣之藥十劑調理而愈前後用萬年青不過一株也嗚呼異哉使余不遵異人行箋驗方

之教必不知萬年青之殺癆蟲也然非主人確信吾言亦不能奏功之神如此其蟲數日尚活客有勸主人火煅以服之謂能復還從前氣血余曰不可主人狐疑不決余曰蟲得人之靈氣以生于胸中安知不如螞蝗水蛭見水而再生乎主人聞之色怯余乃用火燒死而埋之江邊萬年青殺蟲之驗如此之神而言烏鵲之效又可比類而共信矣同上

治汗痘黃痘肚腹作張萬年青葉搗汁和酒服之大便溏泄者不可服清王肖乾行箋驗方

冬葉

俗名拔賴莫  
山城  
州

冬葉

冬葉、薑葉也。苞苴五物交廣皆用之。南方地熱物易腐敗。惟冬葉藏之乃可持久。晉嵇含南

方草木狀

謹按冬葉非薑葉別是一種嵇含乃爲薑葉誤也。冬葉蔓生葉似蕉而細軟乾之極堅韌民間包裹皆用之。肇慶

府志

庶物類集

卷二十一  
二十一  
五



